

遊白雲峰適深居過普濟清遠樓記

劉基

出靈峰循溪而上至雲門近十里取道禾黍中二三里爲普濟寺外視甚峻絕若無所容陟石徑數十步忽平廣而寺始見入其中則松柏幽茂徑路窈窕似不在人間世問之則晉時鴻明禪師講經之所將軍何充常詣聽講有伺亂讀書之室故又謂之何山寺寺西廡有樓焉其扁曰潛遠昔荆之者雲峰和尚而今居之者砥上人也客至上人邀客坐樓上開戶左右眺則陶山刺浮柯公秦望紫霞諸山皆在眼底有泉出竹根流入於樓下其聲琅琅然又有白石岡在樓外其石色皆白如玉上人見客喜因請爲詩詩成又求叙清遠予笑曰樓之名予與之也我安能知子意哉且盈目前皆山水也我不知其孰爲清孰爲遠也今夫天清而望遠無遠之弗見也及其雲雨晦冥則所謂遠者安在哉請無求諸目而求諸心上人不應旣而躍然曰命之矣

道藏輯要

天下名山記
浙江清遠劉

圭

軫集二